

圖
注
本
草
原
始

五

本草原始卷之十

雍邱 李中立正字甫 纂輯

金谿 周亮登元龍甫 較訂

禽部

雞

在家畜養大小形色不同古稱雞之德五戴冠者文也是傳距者武也敵在前敢鬪者勇也見食相告者仁也鳴不失時者信也故俗呼為五德禽廣志云大者曰蜀小者曰荆崔豹古今注雞為燭夜爾雅翼云司時之畜徐鉉云雞者鶩也能稽時也易曰吳為雞風俗通曰呼雞為朱朱者俗說雞乃朱翁所化禮記宗廟之雞名曰翰音

丹雄雞肉氣味甘微

溫無毒

主治女人崩中漏下赤白沃通神殺惡毒辟不祥。補虛溫中止血能愈久傷乏瘡不差者。補肺

白雄雞肉氣味酸微

溫無毒

主治下氣療狂邪安五臟傷中消渴○調中除邪利小便去丹毒風

烏雄雞肉

氣味甘微溫無毒

主治補中止痛○止肚痛心腹惡氣除風溼麻痺諸虛羸安胎治折傷并癰疽生搗塗竹木刺入肉

黑雌雞肉

氣味甘酸溫平無毒

主治作羹食治風寒濕痺五緩六急安胎○安心定志除邪辟惡氣治血邪破心中宿血治癰疽排膿補新血及產後虛羸益血助氣○治反胃及腹痛腰膝骨痛乳癰又新產婦以一隻治酒和五味炒香投二升酒中封一宿取飲之令人肥白又和烏油麻二升熬香入酒中極效

黃雌雞肉

氣味甘酸
鹹平無毒

主治傷中消渴小便數而不禁腸澼洩痢補益五臟絕傷療五勞益氣力。治勞劣添髓補精助陽氣暖小腸止洩精補水氣。補丈夫陽氣治冷氣疾著床者漸漸食之良以光粉諸石末和飯飼雞煮食甚補益治產後虛羸煮炙煎藥服佳

日華子曰黃雌雞肉

性溫患骨熱人勿食

烏骨雞

氣味甘平無毒

主治補虛羸弱治消渴中惡鬼擊心腹痛益產婦治女人崩中帶下一切虛損諸病大人小兒下痢噤口並煮食飲汁亦可搗和丸藥

烏骨雞有白毛烏骨黑毛烏骨黃毛烏骨斑毛烏骨有骨肉俱烏肉白骨烏者但看雞舌黑者則肉骨俱烏入藥更

夏乃肝腎血分之藥男用雌文用雄○按太平御覽云夏
侯弘行江陵逢一大魁引小鬼數百行弘潛捉末後一小
鬼問之曰此廣州大殺也持弓戟往荆楊二州殺人若中
心腹者死餘處猶可救弘曰治之有方乎曰但殺白鳥骨
雞薄心即瘥時荆楊病心腹者甚衆弘用此治之十愈八
九中惡用烏雞自弘始也此說雖涉迂怪然其方則神妙
謂非神傳不可也鬼擊卒
死用其血塗心下亦效

反毛雞**主治**反胃以一隻煮爛去骨入人參當歸食鹽各半

兩再煮爛食之至盡

雞頭丹

白雄雞者良

主治殺鬼東門上者良

雞冠血

氣味鹹平無毒三年雄雞者良

主治烏雞者主乳難○治目淚不止日點三四次良○丹雞

者治白癩風○並療經絡間風熱塗頰治口喎不正塗面治
中惡卒飲之治縊死欲絕及小兒卒驚客忤塗諸瘡癬蜈蚣

蜘蛛毒馬咬瘡百蟲入耳

雞血

氣味鹹平無毒
烏雞白雞者良

〔主治〕 跋折骨痛及痿痺中惡腹痛乳難。治剝驢馬被傷及馬咬人以熱血浸之主。小兒下血及驚風解丹毒蟲毒鬼排陰毒安神定志熱血服之。白癩風癰瘍風以雄雞翅下血塗之。

腦

白雄雞者良

〔主治〕 小兒驚癇燒灰酒服治難產

肪

烏雄雞者良

〔主治〕 耳聾。頭禿髮落。心主治五邪

肝

雄雞者良

〔主治〕 起陰。補腎治心腹痛安漏胎下血以一具切

和酒五合服之

膽

烏雄雞者良

〔主治〕 目不明肌瘡。月蝕瘡遶耳根日三塗之燈

心蘸點胎赤眼甚良水化搽痔瘡亦效

腎雄雞者良

主治 齷鼻作臭用一對與腠前肉等分入豉七粒新

瓦上焙研以雞子清和作餅安鼻前引蟲出忌陰人雞犬見

噤**主治** 小便不禁及氣壹食不消

腸男用雌女用雄

主治 遺溺小便數不禁燒存性每服三指酒下

肋骨烏骨雞者良

主治 小兒羸瘦食不生肌

臍胫裏黃皮

一名雞內金男用雌女用雄氣味甘平無毒

主治 洩痢小便頻遺除熱止煩。止泄精並尿血崩中帶下

腸風瀉血。治小兒食瘧療大人淋濁反胃消酒積主喉閉

乳蛾一切口瘡牙疳諸瘡

距白雄雞者良

主治 產難燒研酒服。下骨哽以雞足一雙燒灰

水服

翻翮

白雄雞者良

主治下血閉左翅毛能起陰治婦人小便不禁

消陰癰療骨哽蝕癰疽止小兒夜啼安席下勿令母知

感應志云至酉日以白雞左翅燒灰揚之風立至以黑犬皮毛燒灰揚之風立止

尾毛**主治**刺入肉中以二毛根和男子乳封之當出

屎白

雄雞屎乃有白臘月收之白雞烏骨者更良氣味微寒無毒

主治消渴傷寒寒熱破石淋及轉筋利小便止遺尿滅癰瘕
○治中風失音痰迷炒服治小兒客忤蠱毒治白虎風貼風
痛○治賊風風痺破血和黑豆炒酒浸服之亦治蟲咬毒○
下氣通利大小便治心腹鼓脹消癥瘕療破傷中風小兒驚
啼以水淋汁服解金銀毒以醋和塗蜈蚣蚯蚓咬毒

雞子

即雌卵也俗呼雞蛋黃雌者上烏者次之氣味甘平無毒

主治除熱火灼爛瘡癰瘰可作虎魄神物鎮心安五臟止驚安胎治妊娠天行熱疾狂走男子陰囊溼痒及開喉聲失音醋煮食之治赤白久痢及產後虛痢光粉同炒乾止疳痢及婦人陰瘡和豆淋酒服治賊風麻痺醋浸令壞傅疵黥作酒止產後血運暖水臟縮小便止耳鳴和蠟炒治耳鳴聾及疳痢○益氣以濁水煮一枚連水服之主產後痢和蠟煎止小兒痢○小兒發熱以白蜜一合和三顆攪服立瘥

太平御覽云正旦吞烏雞子一枚可以練形○蚘螻神書云八月晦日夜半面北吞烏雞子一枚有事可隱形○鼎日雞卵多食令人腹中有聲動風氣和葱蒜食之氣短同韭子食成風痛其鯊肉食損人其獺肉食成遁尸同兔肉食成洩痢妊婦以雞子鯉魚同食令兒生瘡同糯米食令兒生蟲小兒患痘疹忌食雞子及聞煎食之氣令生翳膜

卵白

氣味甘微
寒無毒

主治目熱赤痛除心下伏熱止煩滿欬逆小兒下泄婦人產
難胞衣不出並生吞之醋浸一宿療黃疸破大煩熱。產後
血閉不下取白一枚入醋一半攪服。和赤小豆末塗一切
熱毒丹腫顙痛神效冬月以新生者酒漬之密封七日取出
每夜塗面去黥皷皸令人悅色

卵黃

氣味甘
溫無毒

戲術布線縛火用布線一條雞子白
塗之向日正午能縛火火燒不斷

主治醋煮治產後虛痢小兒發熱煎食除煩熱鍊過治嘔逆
和常山末爲丸竹葉湯服治久瘧。炒取油和粉傅頭瘡。○
凡乾嘔者生吞數枚良小便不通者亦生吞之數次效補陰

血解熱毒治下痢甚驗

唐璠經驗方治杖磨破損雞子黃熬油搽之甚效

抱出卵殼俗名濕沌治研末磨障翳。傷寒勞復熬令黃

黑為末熱湯和一合服取汗出即愈


卵殼中白皮主治方氣結得麻黃紫苑服立效

窠中草主治夜啼安席下勿令母知

本草綱目云雞類甚多朝鮮一種尾長三四尺遼陽一種角雞味俱肥美大勝諸雞南越一種長鳴雞晝夜啼鳴南海一種石雞潮至即鳴蜀中一種鵪鶉雞楚中一種槍雞並高三四尺廣東一種矮雞腳纔二寸許也凡人家無故羣雞夜鳴調之荒雞主凶黃昏獨啼主有火患謂之盜啼老雞作人言此雞雄鳴雄雞生卵並宜殺之

雞本經上品

養雞法。雞勿餵
涇飯食涇飲則癢
丙生膿而死近柳
柴烟則傷有病灌
香油便活生雞以
稍熱水洗足放之
自不走且免爭鬪



諸雞肉食忌。說曰雞有五色者玄雞白首者六指者四
距者雞死足不伸者並不可食害人。延壽書云闔雞能
啼者有毒四月勿食抱雞肉令人作癰成漏男女虛乏。
弘景曰小兒五歲以下食雞生虵蟲雞肉不可合葫蒜芥
李食不可合犬肝犬腎食並令人洩痢同免食成痢同魚
汁食成心痕同鯉魚食成癰瘡同獺肉食成遁尸同生慈

鵝

食成蟲痔同糯
米食生虻蟲
江淮以南多畜之有蒼白二色綠眼黃喙紅掌其夜鳴應
更舍中養能辟蟲蛇時珍曰鵝鳴自呼江東謂之舒雁似
雁而舒
遲也

白鵝膏

氣味甘微寒無毒

主治灌耳治卒聾○潤皮膚可合面脂

肉

氣味甘平無毒

主治利五臟○解五臟熱服丹石人宜之

止消渴

日華子曰白者辛涼無毒蒼者冷有毒發瘡腫說曰鵝
性冷多食令人霍亂發痼疾李廷飛曰嫩鵝毒老鵝良

鵝尾肉

主治塗手足皴裂納耳中治聾及聒耳

血

氣味鹹平無毒

主治中射工毒者飲之并塗其身○解藥毒

時珍曰鵝血所
禱家多用之

膽

主治解熱毒及痔瘡初起頻塗之自消

卵主補中益氣多食發痼疾

涎主治咽喉穀賊灌之即愈


毛主射工水毒。小兒驚癇又燒灰酒服治噎疾

掌上黃皮主燒研搽腳趾縫溼爛焙研油調塗凍瘡良

尿主絞汁服治小兒鵝口瘡鵝屎傳蟲蛇咬毒

鵝別錄上品

時珍曰鵝氣味俱厚發風發瘡莫此為甚火熏者尤毒曾目擊其害而本草謂其性涼利五臟韓忭醫通謂其疎風豈其然乎



鴛

弘景曰鴛即鳴然有家鴨有野鴨藏器曰尸子云野鴨為鳧宰鴨為鴛時珍曰鴛音木鴛性質木而無他心故庶人以為贊曲禮云庶人執匹匹雙鴛也匹夫卑夫故廣雅調鴨為搗鴨禽經曰鴨鳴呶呶其各自呼鳧能高飛而鴨舒緩不能飛故爾雅謂鴨為舒鳧

鴛肪

氣味甘大寒無毒

主治風虛寒熱水腫

肉

氣味甘微毒

主治補虛除客熱和臟腑及水道療小兒驚癇解

丹毒止熱痢。頭生瘡腫和葱豉煮汁飲之去卒然煩熱

時珍曰鴨水禽也利小便宜用青頭雄鴨取水木生發之象治虛勞熱毒宜用烏骨白鴨取金水寒肅之象也。又曰嫩者毒老者良尾膠不可食。洗曰白鴨肉最良黑鴨肉有毒滑中發冷利脚氣者不可食。瑞曰鴨風下血不可食。弘景曰黃雌鴨為補最勝

頭

雄鴨者良

主治煮服治水腫通利小便

腦主治凍瘡取塗之良

血氣味鹹冷無毒

白鴨者良

主治解諸毒熱飲解野葛毒已死者入咽卽

甦

摘玄方治小兒白痢疾似魚凍者殺白鴨取血滾酒泡服卽時止

鴨涎**主治**小兒痊風頭及四肢皆往後以鴨涎滴之又治蚯

蚓吹小兒陰腫取鴨涎抹之卽消

鴨舌**主治**痔瘡殺蟲。膽**主治**痔核良又點赤目初起亦效

肺衣**主治**諸骨哽炙研水服之卽愈

卵**主治**心腹胸膈熱


訖曰卵多食發冷氣令人氣短背悶小兒多食脚軟鹽藏食之卽益人。土良曰卵生瘡毒者食之令惡肉突出。弘景曰卵不可令鼈肉李子食害人合榘食令人生子不順

白鴨屎**主治**殺石藥毒解結縛散畜熱。治熱毒毒痢又和

雞子白塗熱瘡腫毒及蚯蚓咬卽消

品上錄別鷺

按格物論云鴨雄者綠頭
文翅雌者黃斑色又有純
黑純白者有白而烏骨者
藥食更佳鴨皆雄瘡雌鳴
重陽後乃肥腩味美清明
後生卵則內陷不滿伏卵
間馨磨之聲則輟而不成
無雌抱伏則以牛尿燭而
出之此皆物理之不可曉



雄鴨形

雀

處處有之羽毛班班褐頰嘴皆黑頭如顰蒜目如擘椒短尾
距瓜躍而不步俛而喙仰而四顧其卵有斑其性最淫故
師曠禽經云雀交不一每栖宿簷瓦之間故詩曰瓦雀說
文云雀依人小鳥也故字從小俗呼小蟲爾雅翼云雀人
淮為蛤雉入於淮則為蜃蓋二物皆化於淮水中故江以
鴻止而鴻從之淮以雀化而雀從焉此雀所以為佳也

雀肉

氣味甘
溫無毒

主治冬三月食之起陽令人有子。壯陽益氣

暖腰膝縮小便治血崩帶下。益精髓縮五臟不足氣宜常

食之不可停輟